

SHAB-E-BARAAT & SAINT VALENTIN

COMPRENDRE L'ISLAM DE L'INTÉRIEUR

SHAB-E-BARAAT : LA NUIT DU PARDON ?

La nuit de Shab-e-Baraat, aussi connu comme "Nuit du Pardon", li ene evenement special pou buku musulmans. Fine dire ki sa la nuit la tombe lor 15eme nuit de Sha'ban ki le 8eme mois dans calendrier islamique. **Buku bannes musulmans croire ki pendant sa la nuit la, Allah Li determine destin de bannes dimounes pour l'annee ki pe vini.** Bannes musulmans **demande pardon pou zotte péchés et demande dua pou ene avenir béni.** Zotte passe la nuit dans fer dua, lire Quran et demande pardon d'Allah dans bannes masjid et dans zot lakaz. Ene de bannes traditions plus communs pendant Shab-e-Baraat c'est ki zote ale visite bannes tombes de zotte proches ki finne deceder et zotte prier pou zotte l'ames.

Zotte mete bannes **nourritures, tel ki Halwa** pres kot bannes tombes. Zote aussi **allume bannes la lampes et la bougies,** et zotte considere sa couma ene symbole pou elimine l'obscurite et amene la lumiere.

Mais, li important pou kompran ki a l'époque du Prophète Muhammad (saw), pas finne faire aucun mention de Shab-e-Baraat.

Hazrat Khalifatul Massih Raabé (rh) dire ki distribution de halwa pendant sa fete ki zotte célébrer la aussi li ene innovation. **C'est bannes mullahs ki finne amène ene telle innovation et sa pena narien a faire avec bannes rites religieux.**



SHAB-E-BARAAT : LA NUIT DU PARDON ?

Dans Sunnah, jamais pas finne faire mention de Shab-e-Baraat. **Banne Sahaba pas fine célébré li, ni banne générations après bannes Sahaba et ni bannes générations apres encore.** Si sa ti ene la nuit autant spéciale, bé kifaire le Prophète (saw) pas finne faire aucun mention de sa la nuit bénie la et expliker couma nous bizin observe li?



Beaucoup bans uléma fine cause lor sa sujet la et fine dire ki **bans hadith concernant Shab-e-Baraat zotte faibles et pas authentiques ou soit c'est bannes Hadith ki finne fabriqués.** Même si nous ti accepté sa bans Hadith (qui en réalité pas authentiques la), **la façon ki Shab-e-Baraat célébré azordi li alle contre bannes préceptes Islamiques.**



Hazrat Sheikh Abdul Haqq Muhaddith Dehlvi (ra), qui ti ene parmi bannes plus grands Uléma de l'Inde et ki ti fami avec Hazrat Shah Muhaddith Dehlvi, fine écrire dans so livre ki parmi **bannes bid'ah (innovations) ki totalement inacceptables et ki fine répane en Inde couma ene coutume, c'est ki bans dimounes allume la bougies dans zotte lacazes pour Shab-e-Baraat.**

Pena absolument aucun preuves de sa dans bannes Hadith et même pas dans bans livres qui pas authentiques. Meme sa bannes Hadiths ki faibles et ki finne fabriqués la pas fer mention de sa façon ki certains musulmans célébrer Shab-e-Baraat azordi zour la. **Dans bans pays arabes, est-ce qui ena sa pratique la? Non. Li juste ene maladie en Inde et Pakistan. Sa prouvé encore plus ki li ene pure innovation. Li possible ki li fine dérivé depuis bannes traditions hindous couma Diwali.**



Shab-e-Baraat c'est ene innovation ki fine vini bien après et li pena aucun relation, ni avec le Prophète (saw), ni avec so bans compagnons. Li pas ene bon kitsoz et donc nous bisin ress loin de sa.

KI ORIGINE DE SAINT VALENTIN ?

Chaque année, le 14 février, plusieurs dimounes a travers le monde célébrer la Saint Valentin. Li connu couma ene la journée spéciale kot bannes dimounes exprime l'amour et l'affection evers zotte partenaires, camarades ou meme la famille. Sa jour la li rempli de bannes gestes romantiques, bannes cadeaux symboliques et bannes paroles rempli d'amour.

Pour nous bannes musulmans, li bien évident ki nous pas capave célébré bans fêtes qui basé lor l'innovation et ki kapave amène ditort, tel ki la Saint Valentin. **Ena boku jeunes ki laisse zotte influencer par lezot et zotte fete la Saint Valentin.** Et meme bannes parents pas au courant de sa fete la parski ena ki jamais finne tende parler meme de sa.



So l'origine pas trop clair, mais ceki nous koner ceki **li remonte avant le christianisme, dans l'ancienne Rome**, et li ti ene festival de fertilité ki ti pe célébré le 13, 14 et 15 février, ki ti appelle Lupercalia. Sa jour la, **ti ena ene cérémonie sauvage et sanglante, ti pe sacrifier bannes zaimo et ti pe créer bannes unions au hasard.** Plus tard, fine ena deux martyrs chrétiens qui ti appelle Valentin. En l'an 289 après Jésus-Christ, Valentin de Rome ti exécuté parski **li ti pe célébré bans mariages hors normes en cachette, contre volonté de l'empereur.**

Ensuite, en l'an 496 après Jésus-Christ, **le Pape fine décréter ki le 14 février pou commémorer la fête de Saint-Valentin et fine appelle li ene "fête chrétienne".** Bans historiens dire qui l'église fine mélange li avec ene festival païen afin ki **kapave attirer bans païens aussi vers sa fête la.** Mais, azordi, **sa fête la fine vine ene fête commerciale** et, à partir de l'année 1980, bans compagnies fine commence profiter de sa fete la. Bannes chiffres lor combien l'argent finne dépensé dans sa fête la choque beaucoup dimounes.



LI ORIGINE DE SAINT VALENTIN ?



En 2017, fine dépense 19.7 milliards de dollars et tout récemment, en 2024 finne dépense presque 26 milliards dollars ziss en Amérique !



Date Night!



Bans musulmans bizin reste loin de sa fête la. Li aussi ena **ene grand relation avec bans pratiques non- islamiques, couma dating**, et li fine détruire la vie de beaucoup dimounes. Mais si nous pe cause lor démontré l'amour en général, nous bizin montré l'amour envers nous proches tous les jours et pas dans ene jour spécifique.

Qui Allah protège tous bans musulmans contre bannes fêtes qui amène le mal. Allah fine clairement dire dans le Qur'an qui nous ena nous propre enseignement et qui chaque peuple ena zotte bans rites religieux. **Nous suivre nous propre religion et nous reste loin de bans fêtes qui amène bannes mauvais l'effets**, même si lezot nations pas encore trouvé sa. Dans le futur, banla pour comprend couma sa bannes coutumes la fine amène la perte.



Le Saint Prophète Muhammad (saw) fine aussi enseigne nous pou pas imite bans non-musulmans. Alors, nous tous bizin évite sa bans fêtes la et protège nous zenfans contre sa bans coutumes là aussi.

(Faith Matters)

